

Boh Gou Dwg Bouxmanz

□ Vangz Civeij

Gou okciuh couh damj iq, doegsaw ciengzseiz ngaiz vunz dub, ndigah cuengqhag ciengzseiz youq hagdangz daej daengz ranz.

Gij saeh neix hawj boh gou cibfaen gyauejdot, de naemj baenzlawz cij ndaej hawj gou ak hwnjdaej.

Caen dwg mbouj miz banhgap dahraix. Meh gou bae hagdangz cieq gou seiz, caeuq banhcujiy in naeuz gvaq, hoeng cungj mbouj miz yungh, moix baez cuengqhag, gou lijdwg doq daej doq ma ranz.

Lauxsae guenj mbouj ndaej, boh gou caeuq meh gou siengliengz bae siengliengz dauq, siengliengz mbouj ok gijmaz banhgap ndei.

Couh yienghneix, meh gou lijdwg moix ngoenz caeuxcaeux bae daengz bakdou hagdangz deq gou, demq yawj bouxlawz doengh fwngz dwk gou. Hoeng doengzhag dingzlai youq gug ranzsaw beng byoemgyaeuj gou, daxmeh baenzlawz yawjraen, gou ciuqgaeuq daej okdaej.

Vih gij saeh neix, bohme h doxceng haujlai baez, boh naeuz meh mbouj deng, meh naeuz boh

mbouj dwg, hemqsatsat, luenh mbouj dingz.

Miz ngoenz ndeu, boh gou sawqmwh doiq meh gou naeuz: “Ngoenzcog gou bae cieq dahlwg, gou yawj bouxlawz gamj hangz dahlwg gou.”

Daxmeh najsap naeuz: “Yawj mwngz soh lumj aen mbaengq nei, bouxlawz lau mwngz?”

Vihliux gou, daxboh guh dahraix lo. Ngoenz daihngaih, daxboh daegdaengq bae daeq aen gyauejndouq ndeu, lij cawx aen gingqda ndaem ndeu. De ndwn youq bakdou hagdangz, da caengz-ngaungau, gyoengq doengzhag haephangz gou haenx raen daxboh gou yienghneix, couh vaiqvaiq ndoj bae gyaе ’gyae lo, mbouj gamj daeuj gyawj gou.

Gvaqlaeng, gou caiq mbouj daej dauqbae ranz lo, caiq mbouj miz vunz dub gou lo. Miz ngoenz ndeu, gou laeglemx naeuz daxboh: “Boh ha, gou naeuz aen mimiz hawj mwngz.”

Daxboh riu naeuz: “Lwg laux lo, couh miz mimiz lo.”

Gou sim’ angq naeuz: “Daxboh, gyoengq



doengzhag lau gou lo, caiq mbouj gamj dub gou lo.”

Daxboh naeuz: “Vih gijmaz?”

Gou dep rwz daxboh, gangj iqiq naeuz: “Gou naeuz vunz lai nyi—Boh gou dwg bouxvunz gig manz ndeu.”

Ceiz Byaekngaih

Seiz lwnyez, baez daengz ndwensam ndwenseiq, cieq ngah ceiz byaekngaih. Ndigah, gou cungj gyaep youq baihlaeng yahdaiq cam, yahdaiq riuhihi doiq gou naeuz, caj rumzcin ci gvaq doenghnaz, gwnz dieg heufwgfwg le, raeuz couh ndaej gwn ceiz byaekngaih lo.

Fwncin gvaq le, ndaw rumz cungj rang gij heiq moq namhdoem caeuq go’ nywj. Yawj gvaqbae, dauqcawq cungj heufoedfoed lumj haij nei, gwnz faex、byai mbawnywj cungj venj baenz naed baenz naed raemxraiz ndongqrikrik, yawj hwnjbae hoenghhdwd. Gou youq ndaw doenghgo heuswdsd haeujsim ra go byaekngaih, cungj dwg vaiqv it couh ra

ndaej, yahdaiq ciengzciengz haen h gou lwgda soem.

Mbaet byaekngaih ma ranz le, aeu dawz gij namhfaenx swiq deuz, caiq dwk roengz ndaw rek hung bae cawj cug. Gij byaekngaih cawj cug haenx, biu ok gij feihdauh rangrgrwg. Gou seizneix, cungj mbouj rox mbouj nyinh dwk deng gij feihdauh rang neix yinx haeuj ndaw ranzdajcawj bae, gij rang neix dwg seizcin gag miz. Gaenlaeng, yahdaiq dawz byaekngaih daem baenz naezbyaek, caeuq mba haeuxcid doxgyaux, caiq baenj baenz ndaek ceiz hung ngauezyubyub ndeu.

Guh ceiz byaekngaih, cieq “miz feih” dwg duk hamh lo. Haujlai dwg hamh duhdoem、lwgraz……diemz

youh mbouj nywnx. Gij hamh gou cieq gyaез gwn haenx dwg hamh duhdoem, unqnupnup, haeb amq ndeu haeuj bak, feihrang biu gvaqdaej, unqniu daengz ndaw sim bae.

Dou dawz ndaek ceiz hung faen baenz aen iq, nap gok ndei, dwk hamh, caiq yaeng’ yaeng gop red, laenx luenz. Ceiz byaekngaih guh baenz le couh dwk roengz ndaw caengq bae, hai feiz hung naengj cib lai faen cung. Seizhaenx, lwgda gou cungj mbouj yaep dwk cim coh aen caengq, cib lai faen cung gvaq dwk raezrangrang. Caj daengz hai facaengq seiz, yawjraen gij ceiz byaekngaih gou naemj baenz bi haenx lo. Luenzlulu, baihrog duk caengz saek heuoiq he, saek neix dwg ceiz byaekngaih gag miz, lumjbaenz duk aen seizcin hoenghhdwd he.

Gij ceiz byaekngaih naengj cug

haenx, unqvan youh daiq miz di rang go’ ngaih. Haeb amq ndeu, gij hamh de roenx youq ndaw bak, gij rimhoz haenx, cungj ndaej dawz gij dwgrengz sinhoj gyaep deuz caez. Moix daengz seizneix, daengx ranz vunz doengzcae z naengh youq itheij, cimz gij ceiz byaekngaih yahdaiq guh haenx, faen h vuenyungz caeuq angqyangz haenx, beij gijmaz cungj bengz cungj dij.

Moix baez naemjdaengz ceiz byaekngaih, gou couh mbouj rox mbouj nyinh naemj daengz yahdaiq. Siengjniemh ceiz byaekngaih, aenvih ndaw ceiz byaekngaih cang miz mwh vuenyungz raeujrub ranz vunz dou.

Aen ceiz heuneu iqet neix, mboujdan h duk hamh duhdoem, engq dwg duk gij gyaез yahdaiq gyaез gou caeuq gij gyaеunde i angqyangz seiz lwnyez gou…… (Vei Cijyauz raiz Luz Lilanz hoiz)

Ngoenzcin



Rumz cifefe, raeujremrem, daiq gij siusik seizcin daeuj daengz lo. Gij naehang ndawdah cieq lo, raemxdah laesoso, ciengq gij go seizcin lo. Ndit raeuj laeglemx ciuq hwnj gwnz raemx, lumj naeuz hawj gadah longz caengz sagim ndeu, yawj ha, bang bitiq ndeu deng ciuyinx daeuj lo, youq ndaw raemx guh’ angq ne, caendwg “cin daengz raemx raeuj bit rox gongq”! Haenzhamq, daihdeih duet geu buhfaiq aeu siethau guh de bae, vuenh geu buh heucing ndeu. Go rum’ iq vazmuengz damqgyaeuj ok gwnz namh daeuj, caeuq gyoengq doengzdoi h iq maj coh daengngoenz. Va gyangdoengh baenz caz baenz caz, hai youq laj ndit, gyoengqde yienznaeuz gyaеu mbouj gvaq vamauxdan、vameizgvei q, hoeng gyoengqde yawj hwnjbae hoengh- fdfwd. A, ngoenzcin rangfwtfw!

Ciengz fwncin daih’ it doek roengzdaej lo. Duzroeg gvai ndeu guhlumj naeuz rox seizcin daengz lo, youq byaifaex hai hoz ciengq go. Cieq dwk, cienfan h duzroeg doxgap ciengq go, baebae dauqdaug “boquengq” “go seizcin”, yo! Gyang rum gawqyienz miz diuz rieng heu ndeu okyienh, w, dwg duz ngwzheu iq haenx! Yawj daeuj de hix singj lo! Fwncin doek, hongnaz nyaengq. Boux vunzguhnaz daenj gyaep gwed gvak, hai hong lo! Gyoengq lwnyez hix duet buhgoeb bae, vut haizfaiq bae, youq gwnz dieg rumheu buet bae buet dauq. A, ngoenzcin hoenghfdwd! Angq- vauvau!

Geij ciengz fwncin gvaqlaeng, go’ ngaih did ok nyodnomj. Byaij youq gwnz roenbya, roenbya homq youh raeuz, ndaw lueg cungj hom gij heiq go’ nywj. Henz roen iq laj byoz

gocaz, hwnj haujlai go’ ngaih, gyoengqde gogo iqningning, byai mbaw venj raemxraiz, raemxraiz ndongqrikrik, hawj vunz yawj liux sim’ in simgyaez. Gou gaeuz hwet roengzbae aeu fwngz mbaet, gij nyod go’ ngaih couh doek haeuj ndaw lamz bae lo. Byai fwngz ce caek raemx go’ ngaih ndeu, yaengx- fwngz mupmup, hawj vunz gyaеuj singjsak, sim vuenyungz. Mbouj rox mbouj nyinh couh mbaet ndaej lamz rim lo. Gou ndwn hwnjdaej, rubrub fajga, yawjyawj gij raemxraiz, sim- angq simhai ma ranz lo. A, ngoenzcin caen angqyangz!

Youq lajmbanj, ngoenzcin boekbienq lailai, ngoenzcin rangfwtfw, ngoenzcin hoengh- hwdhwd, ngoenzcin engq dwg angqfwngfwng!

(Vangz Anhgiz raiz Vangz Vazdingz hoiz)